




Ассаламу аьлайкум, дустал

ХХЯХХА БАРГЪ

Лакрал райондалул кказит. Ита бакълай 95-сса шин.

12+

«ЗАРЯ»

Нюжмар

30 март

2018 ш.

№ 15

gazetazary@mail.ru

Сайт: zaria-online.ru

27 март - РФул Миллатрал гвардиялул аьралуннал кьини

Росгвардия

Дуклу жучлава бай-битвхьунни мартрал 27-ний Миллатрал гвардиялул аьралуннал кьини клицлаглай. Мукунсса указ бувна Президент В.Путиннул 2017 шинал январьданул 16-ний.

1996-2016 шиннардий мартрал 27-ний клицлагайссар РФул МВДлул Виваллил аьралуннал кьини. Мукунсса кьини мартрал 27-ний дурну дия, му кьини император Александр 1-нал 1811 шинал чивчуну бивкунтгий виваллил кьаралданул аьралуннал батальонну сакин бансса указ. Ми сакин бувну бивкун бур, «паччахилугърай паракъатшиву ва рахлатшиву дуруччиншиврул».

Цлана Росгвардиялу-ву бур центральный ап-



парат, миллатрал гвардиялул аьралуннал мйра округ (федерациялул округирттал дазурдаву) ва РФул гьарца субъектраву - кланттул органну. Центральный аппаратраву дур Хьунмур управление - аьралуннащал даву дачин дайсса ва Хьунмур управление - жамятрал низам дуруччайсса. Мукунма бур гвардиялул аьралуннал Хьунмур штаб, аьралуннал бутри,

вузру ва цайми организа-циярду. Дур элмулул ро-тагу.

Гьашину февральданул 21-ний Паччахилугърал Думалул кьамул дурни Росгвардиялухьхьун, кьутли дурну, РФул субъектирдал лавайми кьуллугъирттайми буруччин ихтияр дуллалисса закон.

Росгвардиялул аьралуннай каялушиву дулла-ур директор-главнокомандующий (президентнал итайсса) армиялул генерал Виктор Золотов.

Росгвардиялувун дурхсар РФул МВДлул каялушиву дуллалисса органну ва бутри, вневедомственная охрана, СОБР, ОМОН, МВДлул Центр специального назначения сил оперативного реагирования и авиации, МВДлул авиациялул бутри, ФГУП «Охрана».

ЦСОН

Интнил хьхьунил байрам

Аггалинан социальный тлалавшинну щаллу дайсса центрданул зуалтрал мартрал 23-ний дурни Навруз байрам.

Жува ванийн учару - Интнил хьхьу. Байрамраву гьуртту хьанахьими бия цала кулпатирттавусса мюрщисса оьрчлругу, душругу бувцун бувкун байрам клицлаган.

Шадлугъ хьуна тяхьасса, ххарисса. Оьрчлругу бия балайрду тлий, кьавтлий. Ссупралий миннан дирхьун дия личли-личлисса нацлу-кьацлуртту. Оьрчлайх дарчлуна интнил хьхьунунин дайсса бартри.

Байран клицларгуна хьунимигу, мюрщимигу бялахьансса куцуй.



Бусравминная

Математикалул байран

Мартрал 22ний 90 шин хьанай дур халкьуннал дуккавил отличник, учитель-методист, ххишала акъа гьунар бусса педагог, тарбиячи, дус-ихтивар Маммаев Нураттин Мах1аммадул арс увния шихуннай. Муницун бавх1уну сакиншиннараха зузисса комитетрал х1адур дурну дия ва кьини Гьумук дуллансса давурттал хьуннасса программа.

Мийжаннугу ва кьини Гьумук ларгуна математикалул байран кунна. Мукун кьавхьуну цукун биклансся Нураттин Маммаевлул цла бьхттул дан, абадул дан, му дакин ичин республикалия бувкун бия математикалул аьлимтал, профессортал, дуккавил министрстволул заместительтал ва вакилтал, лакрал ишккаккулт, лавайсса даражалул кьуллугъчитал, Нураттиннул дарс дихьлай бивк1сса ч1авусса учениктал, мачча-ляхьин, арсеру, душру ва м.ц.

Кьинилул программалин бувну клюрххил ссят 10-ний Гьумучиял школалул ца класраву хьунни 5-11 класирттал дуклаки оьрчлашалсса математикалул олимпиада. Микку гьуртту хьунни райондалул школарттая бакъассагу Мах1ачкьала шагьрулул школарттая бувк1сса ученикталгу.



Х1.Мах1аммадов

Школалул физкабинетраву най дия «Бьхттулсса учительнал шаттирдайх» тлисса элмисса ва методикалул конференция. Му дачин дунни математикалул элмурдал кандидат, профессор Мах1аммадов Х1ажинал («Польшанал доктор»). Ванал цала ихтилатраву бувсунни та хьхичлава заманная байбивхьуну Дагьусттанная математикалул элму цукун гьаз хьанай, машгьур хьанай дай-дирхьуссарив, муниха хьхьич-

1ва-хьхьич1 цуми аьлимтал зий бивк1ссарив, цланасса ч1умал цуксса бьхттул хьуссарив... Хьинну гьирарай вич1идирхьунни бавт1цириннал Х1ажинал пасих1ну, за к1лу-ну буллалисса ихтилатрах. Ихтилат бунни математикалул элмурдал доктор Мухтар Аьлишаевлулгу.

Миккува, дуккавил ц1усса стандартирттай математикалул х1уччарду оьрчлан лахьхьин баврил хасшивурттая бусласисса бия Дагьусттаннал дуккаву ахттар дай институтрал кафедралул методист Султан Мирзоевул ва ДГУрал квалификация гьаз дай фа-

культетрал декан Низам Загировлул докладру.

Цамур классраву 5-7ми классирттал оьрчлашал математикалул олимпиадарттал заданияртту биттур даврил практикумрац1ун дарх1усса даврилсса булла ия МГУрал выпускник Х1абибуллаев Х1абибуллаев.

Ми бакъассагу, математикалул учительтуран сакин бувну бия магьиршиву ларай дансса мастер классру.

Ахттайн бизулий школалул х1аятраву циняв лагма лавгуна Нураттин Мах1аммадовичлун цла кусса, школалул ч1ирай ларч1сса мармар чарил ула тлитаврил.

Мунин хасьсса митинг

тлитлай, цалчинсса махь лавхьунни «Лакрал район» МРданул бак1чи Юсуп Мах1аммадовлул. Бувсунни элму дуркусса аьлимтурал цуксса хьунмасса бияла буссарив билаят, Дагьусттан, миннувухра жула район хьхьич1уннай давриву. Инсаниятрал ялун буч1ант1имур миннайн хьарну бушиву. Дак1нин дирчунни Гьумучиял школа кьуртал бувну элмурдал доктортал, профессортал, лавайсса даражалул кьуллугъчитал хьусса цаппара ишккаккултрал цларду. Цуксса хьунмасса мюнпат жула оьрчлан хьанай буссарив Нураттин Мах1аммадович куна цланихсса учительтал зий бухьурча.

(Ахир 2 лаж.)



Элмисса конференция


(Дайдихъу 1 лаж.)

Цайва-цайва авцуну кӀицӀ дунни кӀини хъун дан шагъ-рурдая бувкӀсса хъамаллурал цӀарду. Мирив кӀунни лир-чусса хъанай дия, Нураттин-нул мачча-ляхъин, оърчӀ-душ-ру, Читтурдал жаматрал ва-килтал кӀахӀисавну...

Математикалул байран

-Зувира шинай Гъумучиял Сиражуттин Ильясовлул 90 шин шаву. школалий дакӀнихтуну мате-м а т и -ка л у л дарсру д и х ь - Нураттин ттул ссурахъуя.

Дуллансса давурттал авадансса программалин бувну, Хъунклубраву ахттая ссят 3 хъусса чӀумал ккаккан дунни «Илчилул» хъунама редактор



Райондалул олимпиадарттай ххув хъусса оърчӀан бахшишру дуллунни



Шагърурдая бувкӀсса хъамаллурава



Цала хӀарачатрайну Московлий лавгун, цӀанихсса ВУЗравун (МГУ) увххун, ххуйну кӀуртал бан бювхъунни мунаща. Му-

Руслан Башаевлул каялушив-рулу хӀадур дурсса, Нураттин МахӀаммадовичлул оърму-лия, кулпатрая бусласисса, цӀу буну хӀадур дурсса фильм. Яла най дия камерный музыкалул концерт.

Клубрал жанахӀраву дирхъуну дия хъхъичӀунсса художник Буниямин Каллаевлул («Лак Бунин») дурсса суратир-ттал выставка. Буниямингу хъанай ур Гъумучиял дянив-мур даражалул школа кӀуртал бувсса, Нураттин МахӀаммад-лул арнал дарс дирхъусса выпускник.

Нураттин МахӀаммадовичлул, хъхъичӀунсса учитель хӀисаврий, бусравну буттсса оърмулия, цуппа Гъумучиял школалий дуклакисса чӀумал мунал учениктурах дуллай ивкӀсса аякъалиясса бия школа-лул директор Ххадижат ХӀус-ниевал ихтилатгу. КутӀану бувсунни Нураттиннул био-графиялия.

лай уну, мунал хӀурмат-иззат-ран чӀявусса оърчӀан матема-тикалух гъира багъну, бувххун бур математиктал шайсса фа-культетирттаву. Ва Гъумучи-ял школалул пахру бансса пе-дагог хъуссар, - увкунни ва-нил.

Хъирив ихтилат бувсса, РДлул жаматийсса палаталул председателнал заместитель

кланттурдугу:

-Лакрал аьрцарал булус-сар оърмулул личӀи-личӀисса сферардаву цӀадурксса специ-алистал. Микку хъунмасса бияла школахухъри бусса. Гъумучиял школалул ита бав-къуссар чӀявусса дуняллийх цӀа машгъур ларгсса агълу. Жува хӀакъину кӀицӀ лаглай буру мукуминнавасса цаннан

ния мукъах цала дуккаву хъхъичӀуннай дан бюхълай бунува махъунай зана ивкӀун, цува дуклай ивкӀсса школа-лун цала гъунаргу, кӀулшивур-ттугу дулун бюхъаву чувшиву-ри...

Къини барча дуллалисса махъ, мукума лавхъунни РДлул дуккаврил министрнал заместительнал Б. Ароховлул.



Клуб бувцӀусса жаматрал хъхъичӀ буттал цӀа бюхттул дан дурсса давуртта-лу, къини хъун дав-рихлу, хъунмасса бар-чаллагъ баян бунни юбилярнал арс, Дагъ-устаннал медицина-лул университетрал ректор Сулайман Маммаевлул.

ЧӀалай бур инсан-нахъ хъхъичӀва-хъхъичӀ цахъва бияла бушиву цува бюхттул ансса, чӀявучиву хӀурмат-иззат ласунс-са. Мунишала ччимур пишалий бюхълай бур лахъсса завал-лайн гъаз хъун, агар цала даву дакӀнихту-ну ххирану, магъир-шиву ларайну духъур-ча.

УСЗН

Агъамсса баян баву

«Лакрал район» МОул УСЗН баян булла бур ЖКУ-лул ЕДВ ласайсса куклушиннарду думиннан, РДлул захматрал ва социальный хъхьичлуннайшивуртталсса байсса Министерстволул амулин бувну (№14-03/1-12/7890/16, 2016 шинал декабрьданул бний бувсса), аьркинну бушиву райондалул УСЗНдалин апрельданул 30нин диян дан электричестволул энергиялух багъа булаврол бурж бакъашиврул справка, энергосбытрая ларсэсса. Мукунсса справка диян дан аьркинссар укунсса журалул инсантурал: педагогикалул зузалт, медициналул зузалт, культурулул зузалт, ветеринариялул къуллугърал зузалт, социальный зузалт, захматрал ветерантал, инвалидтал ва оьрчлру инвалидтал бусса кулпатру, дяввилул инвалидтал ва Буттал кланттул цланисса Хъунмасса дяввилий гьуртту хъуми, жанну харж дурсса (ливтлусса) дяввилул инвалидтурал кулпатиртта-вуми, оьрчлру чл явусса бусса кулпатру, реабилитация дурми.

Яхъанакъисса къатрахсса багъа булаврол ва коммунальный тлалавшинну щаллу даврихсса багъа булаврол бурж бакъашиву тасттикъ буллалисса документру ягу ми буржру лахъаврил къутл даву ва (ягу) биттур даву (циняв журардал инсантурал) тасттикъ буллалисса документру, ва мукунма кулпатравусса гьарца инсаннал лякъайсса арцул (доходы) хлуччарду тасттикъ буллалисса (ягу ляхълахъисса арцу дакъашивриясса) документру - чл явусса оьрчлру бусса кулпатирттал биян бан аьркинссар гьарца шинал декабрьданул 1-нин.

Ми биян къабарча, клицларгсса арцу дуллалаву дацлан дантлссар.

Р.Я.Майранов,

«Лакрал район» МОрал УСЗНдалул начальник.

Прокуратура

Буржлувма чув уссарив клул бан къабюхъарча, алиментирттал буржираясса аьрза судрайн булунсса ихтияр цлакь дурни

Гъашину мартрал 7-ний къамул дурсса Федерациялул законодалул (№48-ФЗ) дахханашивуртту дурни Аьрасатнал Федерациялул Гражданский процессуальный кодексару ва «Об исполнительном производстве» тлссса Федерациялул законодалуву.

Ми дахханашивурттайн бувну, агар алиментру тлалав бансса документрацал буржру бума лякъинсса давуртту дурну махъ, мунаятуса хлучарду бувклун 1 шин ларгуну, му усса клану клул бан къавхъуну бухъурча, му ляхълахъисса судрал пристав-исполнительнал баян байсса бур алиментру тлалав буллалиманан, ганах луглай, дурсса давурттал хласиллая. Мукунма, бувчлн байсса бур, мунахъ ихтияр душиву, буржру бума чув уссарив клул ан къабюхъу-ману ккалли ансса аьрза судрайн булун.

Буржру бума чув уссарив клул бан къабюхъус-



са аьрза къамул бувну, му масъала судрай ххалбигъин хладур хъанакъини, судьянал мунаясса хлуччарду цлукхайссар, тлалав байссар судрал приставтурал къуллугърай.

Му бакъасса, буржлувманах луглагаву судрал пристав-исполнительнал

дацлан дан ккаккан бувну-бур, мунал бурж бюджетравун бичин, Аьрасатнал Федерациялул законнай ккаккан дурсса низамрай цукунчлав къабюхълай бушиврий муклру шайхту. Мукунма, щаллу бан буллусса документрай духъурча бюджетравун арцу дичин багъайсса бурж тлалав бан судрал ххалбигъусса масъалалий паччахлугърал поштина ласунсса тлалавшин. Му тлалавшиндалул хлакъираву, Аьрасатнал Федерациялул закондалий ккаккан дурсса низамрай, бурж лахъан цукунчлав къабюхълахъисса хлукму къамул бувну бухъурча.

Федерациялул закон гужраву дурхссар 2018 шинал мартрал 7-ний.

Х.Х.ДАНДАМАНОВ, Лакрал клирагу районнал прокурор.

Дяввилул-спортрал тлурклу «Зарница» хъунни

Райондалул администрациялул жагьилтуралесса, спортралесса ва туризмалулесса байсса отделданул, образованиелул управлениелул, райондалул военный комиссариатрацал ва администрациялул ГО ва ЧСрал отделдануцал цачлу Гъумук бунни дяввилул-спортрал тлурклу «Зарница».



Клундиннал, Гьунчлукъатлрал ва Ккурккуллал СОШ-ру.

Клицлавгсса тлурклулул агъаммур мурад бия жагьилтуран дяввилул вардишиннарду дулаву, ми буттал улча ххирану тарбия баву, миннаву аьралуннаву къуллугъ баврил сий ларай даву, чурху цлакь баву ва цлукуну оьрму бутлан гьира бутаву.

Ва тлурклу булла, ххалбигъуна призыврал оьрмулувун бияннинсса жагьилтал аьралуннаву къуллугъ бартбигълан цукун хладур хъуну бури, миннал вардишиннарду цукунсса даражалий дурив, яла хъхьичлун ливчуми цуми бури ва ххуйми командарду щил дурив.

«Зарница» тлурклулул шартлрдайн бувну, аьркинну бия къюкълуй занан клулшиву ккаккан бан, аьралуннаву аьркин шаймур клулшиву члалачли дан, турникрай клунклу хъун, авцлусса кланая лахъшиврий тланк1 дан, дайшиш-рурдугу дусса шуттайх эстафета дан, медициналул кумагру бан клулшиву ккаккан бан.

Хъунмасса гъавасрацал ми бяс-ччаллу, вардишиннарду дурну, 1-мур клану бувгъунни Гъумучиял школалул, кллчинмур - Клундиннал ва Гьунчлукъатлрал школардал, шамулчинмур - Щардал школалул.

Вай бия райондалул (муниципалитетрал) даражалийсса ччаллу. Ххув хъусса Гъумучиял школалул команда (военрук Къ.Къадиев) гьантлссар Лакрал райондалул чулуха апрель зуруй зунттал округрал зоналул ччаллаву гьуртту хъун.

М.ХИУСМАНОВ.



Тарихру ва бивклмур

1917ку шин, октябрь. Узун Хлажи Гъази Гъумийн ххяххаву.

1917ку шин. Субатлудал 5 хъамитайпа дуснакъ баву, шяраваллил комиссарнайн къарши бувккун.

1917ку шин. Аьрасатнаву октябрь революция шаву.

1918ку шин, февраль. Округрал дяввилул-революциялул комитет сакин баву.

1918ку шин, май. Имам Хлупцинский цува каялушиву дуллансса хлукмат дан сукку шаву.

1918ку шин, июль. Гъумук сакин дурсса дяввилул къюкъя Ятлул Аьралуннаву духхаву.

1918ку шин, июль. Гъумукун туркнал аьрал буххаву, ревком ппив-ххив баву, власть клунттихъхъун ласаву.

1918-1920 шинну. Лаккуй граждан дявви бусса члун.

1919ку шин, февраль. Гьунчлукъатлул округрал начальник К.Сулайманов ивчлаву ва революциялул комитет баву.

1919ку шин, апрель. Гъумук партизантурал къюкъя даву.

1919ку шин. 20мур май. Дагъусттаннал члумийсса правительстволлий каялушиву дуллан генерал М.Халилов итаву.

1919ку шин, июнь. Деникинцынал Гъумучи ласву.

1919ку шин. Деникинцынал Гъарун Сяидов аьшуйн изаву, Ятлул партизантурал къюкълул командир.

Учредитель:
Администрация
МР «Лакский
район».
Учредитель:
«Лакрал район»
МР-далул
администрация

Главный редактор
М. М. Мусалаев
Ответственный
секретарь
К. М. Курбанов
Корреспондент
К. М. Курбанов

Опер. комп. набора
Р. И. Джалаева
Тех. редактор
А. М-Р. Абакаров

Адрес редакции, издателя:
368360
Республика Дагестан
Лакский район
с. Кумух
Ул. Сурхайхана -1, 96

Газета набрана
и сверстана на компью-
терной базе редакции
газеты «Заря» и
отпечата-
на в ГАУРД «Издатель-
ский дом» «Дагестан»
Адрес:
г. Махачкала
Пр. Насрутдинова, 61.

Срок подписания
в печать 17.00
Подписано в 16.00

Газета выходит
в неделю 1 раз.
Тираж 752 экз.
Цена свободная.

Газета зарегистрирована
Управлением
Федеральной службы по
надзору в сфере связи,
информационных
технологий и массовых
коммуникаций по
Республике Дагестан
от 22 августа 2017 г.

Регистрационный
ПИ № ТУ05-00385

Позиция редакции
может не совпадать
с точкой зрения ав-
торов, которые несут
ответственность за
достоверность о объ-
ективность представ-
ленных для публика-
ции материалов.

ЦЗН баян буллаи бур

Зузи кланттурду гьарза баншиврул

Нанисса шинал январьданул 24ний (№5) Дагъусттан Республикалул Х1укматрал цлак дунни агъали давурт-тал шаллу баврил цанисса, ц1усса программа. Муний ккаккан бувну бур ц1усса зузи кланттурду бансса, ишба-жаранчишиву дачин дансса масъалартту.

Мунин бувну, РДлул зах1-матрал ва социал масъаларт-талсса буллалисса Министер-ствоул баян буллаи бур, Дагъ-усттаннай дуллаллишиву ц1ус-са зузи кланттурду баншиврул ишбажаранчишиврун кумаг бансса давуртту. Мунил мурад - аьркинссаксса бач1васса зузи кланттурду бакъа бунугу, хал-кьуннан зузаврил сфера гьар-та дансса чаранну льякъаву.

Ва ишираву даву дулултану хъанахъиссар юридический лицорду ва цивпалусса иш-бажаранчитал. (паччах1лугъ-рал, муниципал идарартту бакъа).

Ва программалий т1ут1и-мур багъайсса ЦЗНлуч1а си-ях1раин лавсёсса, даву дакъа буминнан.

Мунин бувну ц1усса про-граммалул мягналия балжи бан ччисса даву дакъултран ЦЗНдалул бувч1ин бант1ис-сар халкьуннан услугарду дайсса организациярдаш

ара дачин дансса куц, ца ба-зилух байсса арцул кумагирт-тая, ми ишбажаранчишиву дачин даврин ишла байсса куц-цую, ялун ххисса зузи клант-турдан ишла дансса къай-къуй ласаврия ва м.ц. Амма ми арендаун ягу бувгъусса зу-залтрал харжирдан ишла дан къабуч1ишиву.

Бувч1ин аьркинссар, юри-дический лицордан, цивпалу-сса ишбажаранчитуран суб-сидия булайшиву миннал иш-бажаранчишиву дачин дан мяйжаннугу харж хъусса ла-рулуксса. Мивун духлахиссар аьркинсса къай-къуй машин ласун харж хъумургу. Мукун 2 зузи клану яла чанну ялун ххи-ну сакин бан аьркинссар. Амма, ца цувалусса ишбажа-ранчинан 200 азара къурушрая ххишала къахъунсса куццуй.

Ишбажаранчишиву дуллан харж шаймур укунссар:

-агъали давурттал шаллу баврил ц1аний ч1яву булла-

лисса зузи кланттурдалсса буллалисса ишбажаранчиту-ран аьркинсса къай-къуй, обо-рудование ласун, ми дишин, зузи дан харж шаймур;

-ишбажаранчишиву дачин дан аьркинсса сакиншиндарал ва техническийсса шарт1ру дузал даву;

-ишбажаранчишиву дачин дан аьркинсса кумаграл обо-рудование, мебель, гъава марц1 бай ва муниха лархъхъ-умур ласун. К1улу бик1ан аьркинссар ишбажаранчиши-ву дачин дувуртрал харжлугъ-равун къадагъайшиву аренда-лул ва зузалтрал зах1матрал харжирдансса харжлугъ.

Субсидиярду юридичес-кий лицордан ва цивпалусса ишбажаранчитуран ита бакъ-айссар конкурсрал гъанулий.

Районнай конкурсрал да-вуртту дуллалиссар ЦЗНнал. Микку сакин байссар конкур-срал комиссия, цлак дайссар мунил низам, къайда, шарт1-ру ва м.ц.

Субсидиярду юридичес-кий лицордан, цивпалусса ишбажаранчитуран къабулай-ссар агар:

-юридический лицоран ягу цувалусса ишбажаранчинан субсидия була т1исса аьрза ЦЗНлин буллалисса ч1умуву х1укматрал налогирттал, страховой взносирттал, пен-нярдал, оьрч1ал, цайми булун багъайсса процентирттал бур-жру бухьурча; -юридический лицордал, цивпалусса ишба-жаранчитурал субсидиялин аьрза буллалисса ч1умуву РДлул бюджетравунсса бурж-зана къабувну бухьурча, РДлул бюджетраву цлак дай-нут1ий субсидиярттанса арцу;

-юридический лицордал, ягу цивпа заллусса ишбажа-ранчитурал субсидиярттайн аьрза буллалисса ч1умал ца-шала зах1матрал къут1и чир-чуминнан зана дансса харжир-дал арцу духьурча;

-юридический лицорал, цувалусса ишбажаранчинан давуртту дац1ан дуллаи, мин-нул сакиншин даххана дуллаи, духлаган дуллаи духьурча;

-вайва ялув к1иц1 лавгми къат1аллил билаятрай сиях1-рай, дах1аву дуну бухьурча;

-даврил шаллу бан аьркин-сса инсантал 2наяр чансса бу-хьурча.

Аб.Мусалаева,
ЦЗНдалул директор.

Спорт

Волейболданул бяст-ччал



Мартрал 25-ний Гъумук хъунни жа-гьилтурал, спортрал ва туризмалул иширтталсса байсса райондалул адми-нистрациялул отделданул кубок ла-сунсса волейболданул бяст-ччал.

Ва заназу кубок ласунсса бяст-чал бай-ссар гьарца шинал. Гъашину ва хъанай бия «Райондалул жагьилтал террорданин къарцину» т1исса девизрашал.

Вай бяст-ччаллаву цалчинмур клану бувгъунни Гъумуксса волейболданул вете-рантурал командалул, 2-мур клану - Ч1ур-тташиял командалул, 3-мур клану - пожар-ду лещан дайсса частьрал командалул.

Хъхьич1унсса кланттурду бувгъуми ко-мандарттан ва ххуйну буклай бивк1миннан тапшур дурни грамотарду, дипломру, да-к1ний лич1ансса бахшишру, арцуинусса бахшишру. Ххув хъумур команда лайкъ хъунни райондалул администрациялул чу-лухасса кубокран.

М.Х1усманов,
отделданул хъунма.

ЦСОН

Марц1шиву дуруччаву - циняннал буржри!

Мартрал 21-ний инт хъунадакъ-лай, ЦСОНдалул зузалтрал дурни субботник.

Циняв зузалт бувккун, миннал, бав-хъуну, марц1 бувни цала центрданул хъхьич1алугу, хъун бярнил лагмасса кланттурдугу. Мукунна, ххуку дурну, къуркъунни миккусса мурхьирдайсса къаркъсса, дахчилачисса къартри, к1я-ла бувни ми мурхьирдал ттурц1ардил лувалу.

Инсаннал, жамятрал оьрмулугу мар-ц1шиву дуруччаву - агъамсса шарт1ри. Гьарцаннал буржри цала ич1увалу, х1а-ятравугу, яхъанахъисса къатрал лагма-ялттугу, зузисса кланттул лагма-ялтту-гу марц1шиву дуруччин.

Бачи, циняннал ва бурж биттур бул-лан хъама къабитланнуча!

И.Ах1мадова, ЦСОНдалул зузала.



